

Morning Dogri
National News Bulletin
24-10-2024

- जबरदस्त चक्रवाती तूफान दाना अज्ज ओडिशा दे समुंद्री कंडे आहले ईलाकें कन्नै टकराग, बड़ी मति चौकसी आहली चेतावनी जारी कीती गई ऐ।
- जर्मनी दे चांसलर ओलाफ शोलज होर 7मीं अंतरसरकारी गल्लबात लेई अज्ज भारत पुज्जारदे न।
- रक्षामंत्री राजनाथ सिंह होर चानक्य रक्षा गल्लबात दा उद्घाटन करगंन। भारतीय फौज दे ग्रीन इंशेयटिव ते डिजीटलीकरण गी बी शुरू करगंन।
- जम्मू कश्मीर पुलस नै गांदरबल च होए दे आतंकी हमले च शामिल 2 आतंकवादिएं दी तस्वीरां जारी कीतियां न।
- क्रिकेट च भारत ते न्यूजीलैंड बश्कार त्रऊं टैस्ट मैचें दी श्रृंखला दे दुआ मैच अज्जै थमां पुणे च शुरू होआरदा ऐ।

<><><><><><>

Cylone-Danna

बंगाल दी खाड़ी दे पूर्वी ते बश्कारले हिस्से पर बने दा खतरनाक चक्रवाती तूफान दाना अज्ज चिरै रातीं जां कल बडलै भीतर कनिका ते धामरा दे मझाटै ओडिशा दे समुंद्री कंडे कन्नै टकराने आला ऐ। मौसम विभाग नै इस क्षेत्र च दाना तूफान दे टकराने दे समें हवा दी रफतार कोई 120 किलोमीटर फही घेंटा होने दी अंदाजा दस्से दा ऐ। उआं तूफान कोला पैहले गै इनें इलाकें च तेज ब्हाएं दे झुल्लना शुरू होई चुके दा ऐ। इस चक्रवात कारण ओडिशा दा केन्द्र पाडा, बालसोर ते भद्रक जिला मता प्रभावत होग जिंदे मौसम बदलोखड़ा होई चुके दा ऐ ते अज्ज रातीं थमां सवा मूलेधार बरखा बरने दे आसार न। राज्य दे बाकी 11 जिले च बरखा आला माहौल बने दा ऐ ते केई इलाकें च तेज ब्हा झुल्ला करदियां न। भुवनेश्वर दे बीजू पटनायक अंतराष्ट्रीय ब्हाई अड्डे पर औने जाने आलियं सब्बने ब्हाई डोआरियं गी अज्ज संजा 5 बजे कोला लेइयै कल बडलै 9 बजे तोड़ी रद्द करी दित्ता गेआ ऐ। सब्बै स्कूल, कालेज ते केई सरकारी संस्थान बी कल्लै तगर बंद रखने दा हुक्म जारी करी दित्ता गेदा ऐ। डाक्टरें ते सरकारी मलाजमें दियां छुट्टियां रद्द करी दित्तियां गेदियां न। बड़ी बद्ध गिनतरी च रेलगड्डियां दी सेवा बी रद्द करी दित्ती गेदी ऐ ते मछेरें गी समुंद्रै च भलेयां नेई जाने दी सलाह दित्ती गेदी ऐ। पच्छिम बंगाल च बी दाना तूफान दे खतरे गी दिखदे होई एहतियाती उपाह कीते जा करदे न।

<><><><><><>

Germany- Chancelor

जर्मनी दे चांसलर ओलाफ शोलज अंतरसरकारी परामर्ष आईजीसी दी 7मीं बैठक च हिस्सा लैने लेई अज्जै थमां त्रऊं दिनें दे भारत दौरे पर रौहगन। प्रधानमंत्री नरेन्द्र मोदी ते शोलज होर कल आईजीसी दी बैठक दी सांझै तौरा पर अध्यक्षता करगंन। आईजीसी इक महत्वपूर्ण सरकारी मंच ऐ जेहदे तैहत दौनें पक्खें दे मंत्री अपने मतेहत क्षेत्रें सरबंधी मुद्दें पर सोच बचार करदे न ते एहदी रिपोर्ट प्रधानमंत्री ते चांसलर गी दिंदे न। दवै नेता कल सुरक्षा ते रक्षा सैहयोग, नेडमे आर्थिक सैहयोग, उभरदी ते रणनीतिक प्रौद्योगिकी दे क्षेत्र च हरित ते सतत विकास सांझेदारी ते सैहयोग पर चर्चा करगंन। दवै नेता जर्मन ववसाय दे 18में एशिया प्रशांत सम्मेलन गी बी संबोधत करगंन।

<><><><><><>

Rajnath Singh

रक्षामंत्री राजनाथ सिंह होर अज्ज नमीं दिल्ली च अंतराष्ट्री सम्मेलन चानक्य रक्षा गल्लबात दे दुए संस्करण दा उद्घाटन करगंन। रक्षामीं होर फौज दे ग्रीन पैहलकदमी ते मसनूई ज्ञान दे

समेत सूचना ते प्रसारण मंत्रालय दे बक्ख-बक्ख मीडिया युनिटें च इक लम्मा ते शानदार करियर रेदा ऐ।

<><><><><><>

Turkey Attacks

तुर्किए दी राजधानी अंकाश कश तुर्किए एयरोस्पेस इंडस्ट्री ते रक्षा कंपनी तुसास पर होए दे आतंकी हमले च 5एं लोकें दी मौत होइ गई ते 20 होरने घायल होने दी खबर ऐ। इस घटना दरान सुरक्षाबलें दरुं हमलावर आतंकवादिएं गी मारी दित्ता ऐ। खीरी जानकारी थोने तगर कुसै नै इस हमले दी जिम्मेदारी नेई लैती ऐ पर तुर्किए दे रक्षा मंत्री यासिर गुलेर होरें आखेआ ऐ जे हमले दे पिच्छे कुर्दिसतान वर्कस पार्टी जां पी.के.के दा हत्थ होई सकदा ऐ। एह्दे परते च तुर्किए दी ब्हाई फौज नै इराक ते सीरिया च कुर्दिश लड़ाकें दे ठकाने गी नशाना बनाया ऐ। म?तुर्किए दा दावा ऐ जे ओह्दी ब्हाई फौज दे हमले च घट्टोघट्ट 30 ठकानें तबाह् करी दित्ते गे न।

<><><><><><>

India-Newziland

भारत ते न्यूजीलैंड बश्कार मजूदा त्रै टैस्ट मैचें दी श्रृंखला दा दूआ मैच अज्ज पुणे दे महाराष्ट्र क्रिकेट एसोसिएशन स्टेडियम च बडलै साढे 9 बजे शुरू होग। पिछले 10 ब'रे कोला बी मते समें थमां घरेलू पिच पर कोई बी टैस्ट श्रृंखला नेई हारने आले भारत गी बैंगलुरु च खेड्डे गेदे इस श्रृंखला दे पैहले मैच च जबरदास्त झटका लग्गे दा ऐ जिसलै महमान टीम दे हत्था 8 विकटें दी हार दा सामना करना पेआ हा ते इस दुए टैस्ट च जित्त हासल करियै भारत श्रृंखला गी बराबरी पर लेई आहनने दी पूरी कोश्ट करोग।

<><><><><><>

Shivraj Workshop

केन्द्री ग्रामीण विकास मंत्री शिवराज सिंह चौहान होर अज्ज नमीं दिल्ली च शैहरी जिमीं दस्तावेजें दे सर्वेक्षण ते नमें सिरेया सर्वेक्षण च नमीं टेक्नालोजी दे इस्तेमाल बारे अंतराश्ट्रीय सतह् दी इक कार्जशाला दा उदघाटन करगंन। इस कार्जशाला दा मुंडला मकसद शैहरी जिमिएं दे कागजे-पत्रें दा आधुनिकीकरण, नमीं टेक्नालोजी दी मदद कन्नै होने आली मदद ते नबेडछे ते चुने गेदे शैहरी इलाकें च अजमैश दे तौरा परपरियोजना बनाने दी सुविधा उपलब्ध कराने लेई कुल संसाी सतह् पर बरतून च औने आली बेह्तरीन कार्ज प्रणालिएं दा प्रदर्शन करना ऐ। इस कार्यशाला डेटा सुरक्षा, मानके दी कमी ते हितधारकें दी छमता निर्माण सरबंधी चुनौतिएं कन्नै निबडने बारे चर्चा कीती जाग जेह्दे नै राश्ट्रीय ते अंतराश्ट्रीय सतह् दे माहिर बी एह्दे च शामिल होआ करदे न।

<><><><><><>

Army Mendhar

फौज नै हाल च गै पुंछ दे मेंढर इलाके दे पहाड़ी मैदान च इक एथलैटिक मीट दा आयोजन कीता ऐ, जेह्दा मकसद मकामी नोजवानें गी सशक्त बनाना ते पीर पंजाल खेत्तर च खेड्डें गी बढावा देना ऐ। एह् आयोजन ना छड़ा एथलैटिक हुनर गी प्रदर्शित करने दा इक मंच गै नेई सगुआं युवा पीढी गी शारीरिक गतिविधिएं ते खेड्डें आली बक्खी बढावा देने लेई बड्डी पैहलकदमी बी ऐ। इस एथलैटिक मीट च 100 थमां बद्ध प्रतिभागिएं हिससा लैता। एह्दे च मती गिनतरी च कुड़िएं बी शामिल हियां जेह्छी भारतीय फौज दी खेड्डें प्रति प्रतिबद्धता गी दर्शादी ऐ।

<><><><><><>